

Sabaot - Agape Siruutēkaab - God's Love Letter Scriptures

Yoowaana 15:9 Āchāmook :anii kuu wōloo chāmtoo :Baaba. Kunyoo, ōbuurtē :nkakweek chamateenyuu.

Isaaya 43:1 Ng'ālyoo :nyi nanyuun ōō, biikaab Isrāyēēl nyēē mwooyē :Yēyiin nyoo kiyēyook: “-Mōōmuyē kuuyu +maararaachaak. Ātwēchē kaayneeng'woong' kuuyu ōyēku cheechuu.

Cheremnyaa 1:5 “Kisimānkētiing' :anii /kumaakeemanachiing', ankaatabaaniing' :anii kutoombo /kēēsiching'. Kyaakweyiing' iyēku wōōrkooyoontēēt ām wōlēē miitē :bōrōryōōsyēk.”

Yoowaana 15:16 Kimōōkwēyoo anii :akweek kule āyēku mokoryoontēēng'woong'. Anii :nyēē kyāākwēyook ōyēku rubiikyuu. Kyaatoolaak kukiil :soboonng'woong' bo tāmirmiryēēt sukung'eet kukōōnook :Baaba kiy ake tukul nyoo kooteeb ām kaayneenyuu.

3 Yoowaana 1:2 Choorweenyuu, āsooyē Yēyiin kule inyōōru bāybooyyēēt āk kaalyeet ām kiy ake tukul nyēē iyēyē. Ānkētē kule imiitē iriibē nyēē karaam, ng'ālyoontēētaab Yēyiin.

Isaaya 43:4 Ōbooyē kwōng'uut ām wōlēē āmiitē, ōkoonyitootiin ānkāāchāmook. Kunyi, ākooytooy yēēmōōsyēk alak kubo akweek āwālāng'unēē soboonng'woong' kōōrōōsyēk alak.

Cheremnyaa 31:3 Kyāāchōōnchi icheek kēny ānkāāmwoochi kule: Āchāmook akweek ākookoy, ānkāāboorwook chamataanaa ām mooyēēt akeenke.

Oseeya 11:8 Ātāyiing' raat kule nee ōō, Efrayim? Āmētiing' kule nee ōō, Isrāyēēl? Āng'woonchiing' kule nee kuu yoo kyāāng'woonchinē kiriinkēētaab Aatma, nto kuu yoo kyāāng'woonchinē kiriinkēētaab Sēbōyiim? Mākōōnnoo :mooyēēnyuu kut ayey kuu nyooto kuuyu nyikiis :chamateet nyēē āboontēēnook.

Yoowaana 3:16 Kicham :Yēyiin kōōrooni miisin kut kukōōn lakwanyii nyooto akeenke baateey sukung'eet :chii ake tukul nyoo ikoosēē keey lakwanaa mēēbērē mākubot, nteenee mākunyōōr *soboontaab kibchuulyo.

Isaaya 49:15,16 Nteenee mwooyē :Yēyiin kule, “Ara wuutyēē :koorko lakwanyii nyēē rēēryēē? Imuuchē :koorko man kumariiree lakwanyii? Ānkoo kāwuutyēē :koorko lakwanyii mākoy āwuutyēēniing' :anii. 16 Kas, kyāāng'ōōtyiing' āwunnyuu ōō, Sāāyōōn, ākāsē kwaak wōlēē wuu :tōōtōōsyēkuuk.

Isaaya 41:13 Kuuyu, anii Yēyiin, ku Yēyiintēēng'woong', ātitiirook ām āwutaab taay. Āmwoowook kule, ‘-Mōōmuuyē, kuuyu +māātoorētook.

Mataayo 28:20 Ōnēētē bichooto kooywey kiy ake tukul nyēē kāāmwoowook. Nto kubooyiit man, āboontē keey akweek ākoy tabantaab kōōrēēt.

Yoowaana 14:1 Kumwoochi :Yēēsu rubiikyii subak kule, “-Matookany kubēk :moonik. Okaasee keey Yēyiin ankookaaseenaa keey.

Isaaya 41:14 -Mōōmuuyē ōō, mooyēētaab Yāākōbō, ānkoo ōminkēēchēch kuu kuutyey! Anii Yēyiintēētaab Isrāyēēl nyoo churtaat. +Māātoorētook ankaararaachaak.

Isaaya 43:2 +Māāboontē keey akweek yoo ōwēērē bēēko chēē chaang'. Nto yoo kōōbuntēē āynōōs chēē keeyiin -mōōling'tooy. Yoo kōōbuntēē wōlēē bo maat mēēbērē ōlāytōōsii nto kusyoolaak :ālōolātēētaab maat.

Tyēēnwookik 23:1-6 Ākiintēēnyuu :Yēyiin, lēyyē, mārārchoo :kiy ake tukul. 2 Ākēēnoo yēē nyaliil :saatyeet ānkuyēyoo āru yooto. Irēētootoo ākoy yēē bo bēēko chēē rōōtē nyēē kisiisyo. 3 Ikomkoomwoo nkuruukyuu, ānkōōrēētootoo āwē kēēlto nyēē churtaat kubo kaayneenyii. 4 Ānkoo kāābuntēē wōlēē kikerakay :mēēnān, -māāng'ōōyēnēē keey kiy ake tukul, kuuyu kēēboontē keey :tukwaay ōō, Yēyiin. Riibēēnoo anii :kisyariing'uung' ānkiiyisunēēnoo kirōng'uung' bo ākiisyēēt. 5 Kwēēyēytoowoo saakweet, kukāsē :buunikyuu. Kweeng'aabeenaa mwaayta kubo koonyit, ānkiinyiitwoo kikōōmbēēnyuu kut kōōng'irtooy. 6 Kubooyiit man, makuruba :kāroomnyēēng'uung', ankuruba :chamateet ām soboonnyuu. +Māābuurunēē Kaab Yēyiin kibchuulyo.

Yoowaana 14:27 Lēyyē, ōbuurtē kaalyeenyuu. Makerkeey :kaalyaani ākōōnook nyoo kōōnook :biikaab kōōrooni. -Mookany kubēk :moonikwook, āmōōmuuyē.

Kilibiik 4:7 Nto yooto kuriibwook :kaalyeetaab Yēyiin kāāsōōtēywēēkwook kubuntēē Kāārārōokiintēēt Yēēsu. Wōō :kaalyaanaa miisin nyēē māyityinē :kāāsōōtēywēēkaab biiko.

Kāālēwēnik 3:24 Yoo irwēē -mēēnyōkōriitu, ānkiiruchinē keey nyēē 'keenus Tyēēnwookik 4:8 Yoo kāāru, ārwēē ām kaalyeet, kuuyu inyiating' nkit ōō, Yēyiin, :nyēē iriiboo.

Tyēēnwookik 33:18 Riibē :Yēyiin biiko choo iywēyē inee, choo ikoosēē keey chamateenyii nyoo māng'ētē.

Roomeek 5:2 Yēēsu :nyēē yēyēēch kuchameech :Yēyiin ām chamateenyii nkit kuuyu kiikoosēē keey inee. Kēēng'ērēkootiin kuuyu kiikēnēē keey kule mākōōtōrōōrēēch :Yēyiin ānkiibuurtē keey inee ākookoy.

Isaaya 55:12 +Moochuuyte ām bāybooyyēēt, /ānkiirēētootook ām kaalyeet. Mākutyēēnēē :lekemoosyek āk tulōōntōōk taayeeng'woong'. Makoorabaach :keetiik āwunnyēkwaa ām ng'erekweek.

Yoowaana 16:22 Kunyoo, wuu nyooto ām wōlēē ōmiitē akweek.

Mākung'woonchook sinee kuu nyiitēnyi, nteenee yoo kakeekas keey subak +moong'erech ng'erekweek chēē mākoy kōōnēmūnēēnook :chii.

Luuka 12:9 Nteenee nyoo kataya ām taayeetaab biiko, +maatay :nkanii ām taayeetaab malayikaanichaa.

Mataayo 10:30 Ntēē inkētē mbo :Yēyiin wōlēē tēē :buutēēk ām mētitaab chiito.

Isaaya 54:10 Imuuch kung'eētyo :lekemoosyek /ankeesat tulōōntōōk nteenee, māmīsē :chamateet nyēē āboontēēnook. Anii :Yēyiin nyoo riirēēnook.

Mataayo 11:28-30 Kitas taay :Yēēsu kumwooy kule, “Okwaa wōlēē āmiitē :anii akweek tukul choo ōchoosyootiin ānkōōng'irook :tukun sāmūung'wook. 29 Āyēku tala ānkāāyibē keey ng'wēny. Kunyi, ōrookēē keey muchōōkiinyuu ankookany aneetaak. Yoo kooyey kuu nyooto, +mōōmuung'iisyē. 30 Mānyikisyinē biich :muchōōkiinyuu ānku kuskus :yiisyēēnyuu.”

Tyēēntaab Sōlōmōōn 2:10 Kumwoowoo :chamaneenyuu kule, “Ing'eet ōō, murereenyuu, nyi karaaran akeenke ankiikany keebeete keey.

Oseeya 2:14,19,20 Kunyoo, +maasaaysaay ānkāārēētootē ākoy suurkwēēn ānkuwāāng'āloolchi nyēē karaam. 19 +Maayeyiing' iyēku koorkēēnyuu ākookoy. +Mēēyēku nyeenyuu ānku +māāyēwuung' kāroomnyēēt āk manta. +Maachamiing' ankaariireeniing' 20 +Māāriib kiyēē kāākuurtoowuung' ankaayeyiing' iyēku nyeenyuu. Yooto +mēēnkētoo anii Yēyiin.

Chuytaayeet 3:14 Kumwooy :Yēyiin kule, “Anii nyoo bo ākookoy.” Imwoochi bichoo kule, “Kēēyookwoo :nyēē /kēēkuurēē ‘Anii nyoo bo ākookoy’.”

Oseeya 13:4 Mwooyē :Yēyiin kule, “Anii ku Yēyiintēēng'woong' nyoo kyāāmūtunēēnook kōōrēētaab Miisir. Māmii :Yēyiin ake subak āmāmii :kāārārookiintēēt ake yoo mā anii.

Yoowaana 15:14 Yoo kooyey kiyēē kāāmwoowook, ōyēku chōōrōōnuutēkyuu.

Ng'oong'uutyēēt 3:20 Āmiitē kurkat ākuursē. Chii nyoo kakas kuutiinyuu ankootyaach keey, +māāwut soboonnyii kēēminy :tukwaay.

Pastor T. John Franklin
Church of Salvation, Healing, and Deliverance
COS-HAD.org